

Mesyuarat Suruhanjaya sepanjang tahun 2012 adalah seperti berikut:

BIL.	PERKARA	JUMLAH
1.	Mesyuarat <input type="checkbox"/> Bilangan Mesyuarat Suruhanjaya	43 kali
	<input type="checkbox"/> Bilangan Mesyuarat Lembaga Rayuan Tatatertib	43 kali
	<input type="checkbox"/> Bilangan Mesyuarat Lembaga Rayuan Kenaikan Pangkat	38 kali








**LATAR
BELAKANG**

Pusat Temu Duga SPA Jalan Cenderasari





PENUBUHAN

Suruhanjaya Perkhidmatan Awam Malaysia telah ditubuhkan mengikut Fasal (1) Perkara 139 Perlembagaan Persekutuan pada 31 Ogos 1957.

TUGAS SURUHANJAYA

Selaras dengan Fasal (1) Perkara 144 Perlembagaan Persekutuan, Suruhanjaya bertanggungjawab:

- melantik;
- mengesahkan;
- memasukkan ke dalam perjawatan tetap atau perjawatan berpencen;
- menaikkan pangkat;
- menukar; dan
- menjalankan kawalan tatatertib ke atas pegawai yang berada dalam perkhidmatan di bawah bidang kuasanya.

BIDANG KUASA

Bidang kuasa Suruhanjaya meliputi:

- Pegawai Perkhidmatan Awam Am Persekutuan di bawah Perenggan 132(1)(c) Perlembagaan Persekutuan;
- Anggota Perkhidmatan Awam Bersama yang am bagi Persekutuan dan bagi satu atau beberapa buah negeri yang ditubuhkan oleh undang-undang Persekutuan sebagai satu perkhidmatan awam di bawah Perenggan 132(1)(f) Perlembagaan Persekutuan; dan
- Anggota Perkhidmatan Awam Negeri Melaka, Pulau Pinang, Negeri Sembilan dan Perlis.

KUASA SURUHANJAYA KE ATAS PERKHIDMATAN AWAM


• Negeri Melaka dan Pulau Pinang

Kuasa Suruhanjaya ke atas pegawai dalam Perkhidmatan Awam Negeri Melaka dan Pulau Pinang diperuntukkan di bawah Fasal (1) Perkara 139 Perlembagaan Persekutuan.

• Negeri Sembilan

Kuasa Suruhanjaya ke atas pegawai Perkhidmatan Awam Negeri Sembilan telah diberikan melalui *Public Services Commission (Extension of Jurisdiction) Enactment 1959* Negeri Sembilan dan *Public Services Commission (Extension of Jurisdiction) Order, 1961* Negeri Sembilan selaras dengan peruntukan Fasal (2) Perkara 139 Perlembagaan Persekutuan yang telah diluluskan oleh Dewan Undangan Negeri Sembilan. Suruhanjaya mempunyai bidang kuasa meliputi semua pegawai Perkhidmatan Awam Negeri Sembilan kecuali:

- Pengelola Bijaya Diraja;
- Jururing kepada Yang di-Pertuan Besar;
- Setiausaha Sulit kepada Yang di-Pertuan Besar;
- Pegawai Kerani kepada Undang; dan
- Penghulu.



- **Negeri Perlis**

Selaras dengan peruntukan Perkara 139(2), Perlembagaan Persekutuan, kuasa Suruhanjaya ke atas pegawai Perkhidmatan Awam Negeri Perlis telah diberikan melalui *Public Services Commission (Extension of Jurisdiction) Enactment 1958* Negeri Perlis dan *Public Services Commission (Extended Jurisdiction) Order, 1960* Negeri Perlis yang diluluskan oleh Dewan Undangan Negeri Perlis. Di bawah undang-undang ini, Suruhanjaya mempunyai bidang kuasa ke atas semua pegawai perkhidmatan awam Negeri Perlis kecuali:

- Pegawai Agama di Jabatan Hal Ehwal Agama dan Adat Istiadat Melayu;
- Pegawai dalam Bahagian IV;
- Penghulu dan Penolong Penghulu; dan
- Pekerja bergaji hari.

KUASA SURUHANJAYA YANG DIWAKILKAN

Fasal (6) Perkara 144 Perlembagaan Persekutuan membolehkan Suruhanjaya mewakilkan kuasanya kepada kementerian/jabatan dan pentadbiran negeri bagi melantik, mengesahkan dalam perkhidmatan dan memberi taraf berpencen. Setakat ini, pewakilan kuasa yang diberikan adalah seperti berikut:

- perwakilan kuasa kepada Ketua Setiausaha Negara untuk melantik secara kontrak Setiausaha Sulit Kanan, Setiausaha Sulit dan Setiausaha Akhbar kepada Menteri dan Timbalan Menteri dan Setiausaha sulit kepada Setiausaha Parlimen melalui P.U.(B) 16/1998;
- perwakilan kuasa kepada Setiausaha Kerajaan Negeri Sembilan untuk melantik, mengesah dalam perkhidmatan dan memasukkan ke dalam perjawatan berpencen jawatan-jawatan di bawah bidang kuasa perkhidmatan awam Negeri Sembilan melalui P.U.(B) 74/1993; dan
- perwakilan kuasa kepada Ketua Setiausaha Kementerian/ Ketua Jabatan untuk melantik, mengesah dalam perkhidmatan dan memasukkan ke dalam perjawatan berpencen jawatan-jawatan tertentu dalam kumpulan sokongan di bawah bidang kuasa perkhidmatan awam am Persekutuan dan pentadbiran Negeri Pulau Pinang dan Melaka melalui P.U.(B) 496/1997.

PENUBUHAN PIHAK BERKUASA TATATERTIB DAN KENAIKAN PANGKAT

Perenggan 144(5B)(i) Perlembagaan Persekutuan serta Seksyen 3(3), *Public Services Commission (Extension of Jurisdiction) Enactment 1958* Negeri Perlis dan *Public Services Commission (Extension of Jurisdiction) Enactment 1959* Negeri Sembilan memperuntukkan bahawa semua kuasa dan tugas Suruhanjaya selain daripada kuasa membuat pelantikan pertama ke perjawatan tetap atau berpencen, boleh dijalankan oleh suatu lembaga yang dilantik oleh Seri Paduka Baginda Yang di-Pertuan Agong atau Raja Pemerintah negeri berkenaan.

Selaras dengan peruntukan tersebut, lembaga tatatertib dan lembaga kenaikan pangkat telah ditubuhkan di peringkat kementerian, jabatan dan pentadbiran negeri yang berkenaan bagi menjalankan sebahagian kuasa dan tugas Suruhanjaya berhubung kawalan tatatertib dan kenaikan pangkat.

WAKIL SURUHANJAYA DALAM SURUHANJAYA PASUKAN POLIS

Selaras dengan Perenggan 140(3)(d) Perlembagaan Persekutuan, seorang Ahli Suruhanjaya iaitu YBhg. Datuk Salim Bin Hashim telah dipilih mewakili Suruhanjaya Perkhidmatan Awam dalam Suruhanjaya Pasukan Polis bermula dari 7 Disember 2009 sehingga 30 November 2012 dan YBhg. Datuk Zainol bin Othman bermula dari 31 Disember 2012 hingga kini.



**AHLI-AHLI
SURUHANJAYA**

Pusat Temu Duga SPA Kuantan, Pahang



AHLI-AHLI SURUHANJAYA

Ahli Suruhanjaya dilantik oleh Yang di-Pertuan Agong di bawah Fasal (4) Perkara 139 Perlembagaan Persekutuan. Ahli Suruhanjaya terdiri daripada seorang Pengerusi, seorang Timbalan Pengerusi dan tidak lebih 30 orang ahli biasa (minima 4 orang). Dalam tahun 2012, Suruhanjaya dianggotai oleh:

YBhg. Tan Sri Mahmood bin Adam
Pengerusi
Suruhanjaya Perkhidmatan Awam Malaysia
(Mulai 31.5.2012)



YBhg. Dato' R. Segarajah
Timbalan Pengerusi
Suruhanjaya Perkhidmatan Awam Malaysia
(Mulai 04.06.2012)



YBhg. Datuk Ignatius J. Bantoi
(mulai 04.05.2009-03.05.2012)



YBhg. Ir Lee Soon Jin
(mulai 04.05.2009 – 03.05.2012)



Tuan Haji Aziz bin Othman
(mulai 19.05.2009 – 18.05.2012)



YBhg. Dato' Dr. Hj Ramlee bin Hj Rahmat
(mulai 01.12.2009-30.11.2012)



YBhg. Datuk Salim bin Hashim
(mulai 01.12.2009-30.11.2012)



YBhg. Datin Norasmah binti Shamsudin
(mulai 01.12.2009-30.11.2012)



Encik Perumal a/I Govindarajoo Peruji
(mulai 01.12.2009-30.11.2012)



YBhg. Dato' Abd Rahman bin Husin
(mulai 01.12.2009 – 30.11.2012)



YBhg. Datuk Haji Awang Nohin bin Hj Ag Rauf
(mulai 01.03.2010 – 28.02.2013)



Tuan Haji Abdullah bin Jamil
(mulai 01.10.2010)



YBhg. Datu Mohammed Sepuan bin Anu
(mulai 14.02.2011)



YBhg. Datuk Zainol bin Othman
(mulai 29.05.2012)



Encik Isaka anak Kana
(mulai 29.05.2012)



Encik Boon Jon Lin
(mulai 29.05.2012)





URUS SETIA
SURUHANJAYA


Pusat Temu Duga SPA Kota Bharu, Kelantan



URUS SETIA SURUHANJAYA

Urus Setia Suruhanjaya diketuai oleh seorang Setiausaha dibantu oleh dua (2) orang Timbalan Setiausaha, 12 orang Setiausaha Bahagian, seorang Penasihat Undang-Undang, serta 508 pegawai pelbagai pangkat dan gred. Urus Setia Suruhanjaya terletak di Pusat Pentadbiran Kerajaan Persekutuan Putrajaya, di Kota Kinabalu bagi Cawangan Sabah dan di Kuching bagi Cawangan Sarawak.

CARTA ORGANISASI URUS SETIA SPA



SPA juga mempunyai pusat-pusat temu duga di sembilan (9) buah negeri untuk melancarkan urusan Urus Setia Suruhanjaya dan untuk keselesaan calon. Pusat temu duga ini adalah merupakan *One Stop Centre* yang berkeupayaan untuk menyalurkan maklumat kepada pelanggan seperti pelajar-pelajar sekolah, Institusi Pengajian Tinggi Awam dan Swasta serta petubuhan-petubuhan. Pusat ini dilengkapi dengan infrastruktur moden dan lengkap dengan kemudahan dan peralatan bagi jawatan-jawatan yang mensyaratkan lulus ujian fizikal sebelum dipanggil temu duga.

Bagi memberi nilai tambah, pusat temu duga ini turut menjadi pusat rujukan bagi pelanggan dan orang awam mendapatkan perkhidmatan yang disediakan oleh SPA. Antaranya kemudahan permohonan jawatan secara *online* yang diberikan secara percuma. Pusat ini juga berperanan untuk memudahkan orang ramai mendapatkan panduan yang tepat mengenai jawatan yang bersesuaian berdasarkan kelayakan akademik melalui khidmat nasihat daripada pegawai bertugas. Panduan dan tatacara menghadiri temu duga anjuran SPA juga boleh didapati di pusat temu duga. Pusat-pusat temu duga SPA adalah terletak di negeri-negeri berikut:

- Putrajaya;
- Kuala Lumpur;
- Alor Setar, Kedah;
- Kota Bharu, Kelantan;
- Sandakan dan Tawau, Sabah;
- Kuching, Miri dan Sibul, Sarawak;
- Johor Bahru, Johor;
- Ipoh, Perak;
- Kuantan, Pahang; dan
- Melaka.

URUS SETIA SURUHANJAYA
PENGURUSAN TERTINGGI

YBhg. Datuk Ramli bin Juhari
Setiausaha
(Mulai 11 September 2012)



Puan Lim Mooi Eia
Timbalan Setiausaha (Perkhidmatan)



Encik Zainal Abidin bin Ahmad
Timbalan Setiausaha (Pengambilan)
(Mulai 12 September 2012)



Encik Mohd Shaiful bin Ibrahim
Setiausaha Bahagian (Pengambilan Khas)



Tuan Haji Abdullah bin Tahir
Setiausaha Bahagian (Pengambilan)



Puan Salmah binti Idris
(Setiausaha Bahagian (Naik Pangkat & Tatatertib))



Puan Chan Hong Jin
Setiausaha Bahagian (Perkhidmatan)



Puan Faidzah binti Arshad
(Setiausaha Bahagian (Peperiksaan))



Tuan Haji Kamarudzaman bin Hassan
Setiausaha Bahagian (Pengurusan Maklumat)



Encik Mohd Nazri bin Dollah
Setiausaha Bahagian (Pengurusan)



Encik Shafarin bin Nasuredin
Setiausaha Bahagian (Urus Setia Mesyuarat)



Tuan Haji Musa bin Sulaiman
Setiausaha Bahagian (Urus Setia Sabah)



Encik Mohd Saiful Sungkih bin Abdullah
Setiausaha Bahagian (Urus Setia Sarawak)



Encik Anuar bin Othman
Setiausaha Bahagian (Urus Setia Suruhanjaya
Perkhidmatan Kehakiman dan Perundangan)



Puan Khairiah binti Ab. Rashid
Setiausaha Bahagian (Dasar dan Perancangan)
(sehingga 1 November 2012)



Puan Noorafiza binti Mat
Penasihat Undang-Undang
(mulai 1 November 2012)



**URUSAN
PELANTIKAN**

Pusat Temu Duga Urus Setia Cawangan Sarawak

